

**CHRISTIAN FEDERATION OF MALAYSIA  
(PERSEKUTUAN KRISTIAN MALAYSIA)**

*Address: 10, Jalan 11/9, Section 11, 46200 Petaling Jaya, Selangor Darul Ehsan, Malaysia  
Telephone: (03) 7957 1278, (03) 7957 1463, Fax: (03) 7957 1457  
Email: [cfmsia@yahoo.co.uk](mailto:cfmsia@yahoo.co.uk)*

27hb. Ogos 2012

**KENYATAAN AKHBAR CFM  
HARI KEMERDEKAAN DAN HARI MALAYSIA 2012**

**MELABUR DALAM MASA DEPAN MALAYSIA**

Bersama semua rakyat Malaysia, kami memanjatkan syukur kepada Tuhan yang Maha Kuasa sempena sambutan ulang tahun kemerdekaan yang ke-55, dan pada 16hb. September kita akan memasuki tahun ke-50 sejak penubuhan negara Malaysia.

Dalam suasana perayaan ini, mari kita mengimpikan sebuah impian baru untuk semua rakyat Malaysia. Kami berdoa kepada Tuhan yang Maha Kuasa agar Dia akan memberi kita sebuah wawasan baru untuk diri kita dan anak cucu kita.

Negara kita diberkati dengan potensi yang begitu besar dalam bentuk masyarakat berbilang bangsa, budaya dan agama.

Mari kita mara ke hadapan dan membuat pelaburan untuk membina sebuah Malaysia yang lebih maju dan lebih baik untuk kita semua. Mari kita berkongsi sumber, kekayaan dan peluang yang dimiliki dan menjadi sebuah negara contoh kepada negara-negara di sekeliling kita.

Kita boleh mula mengorak langkah dengan mengasihi Tuhan dan jiran kita seperti diri kita sendiri. Mari kita menjadi warganegara yang bertanggungjawab untuk Malaysia yang tercinta. Mari kita mengambil berat tentang mereka yang berada di dalam kesusahan seperti anak-anak yatim piatu dan balu-balu. Mari kita memenuhi keperluan mereka yang dipinggirkan dan yang ditinggalkan. Secara bersepadu, mari kita mengutamakan kemakmuran jiran kita.

Sebagai rakyat Malaysia, kita perlu melangkah ke hadapan dalam semangat bersatu padu dan harmoni dan mengabaikan suara bingit golongan-golongan yang mempunyai kepentingan sendiri.


Gereja-gereja dan umat Kristian menyertai semua rakyat Malaysia untuk mendoakan kesihatan dan kesejahteraan Yang di-Pertuan Agong dan Raja Permaisuri Agong, Sultan-sultan dan semua Yang di-Pertua Negeri, Perdana Menteri dan Jemaah Menteri, Mentri-mentri Besar dan Ketua-ketua Menteri, semua wakil rakyat dan wakil dewan undangan negeri, serta semua pegawai yang melaksanakan tugas dan tanggungjawab demi kepentingan rakyat Malaysia.

Mari kita mengidamkan keadilan dan kesalihan yang semakin melimpah dan pengukuhan perikatan persahabatan, perpaduan dan keharmonian di kalangan semua penduduk di bumi Malaysia yang tercinta.

Tandatangan



Uskup Datuk Ng Moon Hing  
Pengerusi



Uskup Emeritus Antony Selvanayagam  
Naib Pengerusi



Uskup Datuk Dr. Thomas Tsen  
Naib Pengerusi



Rev. Dr. Eu Hong Seng  
Naib Pengerusi